



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 24. Novi Cardinales Clementini.

[urn:nbn:de:hbz:466:1-66293](https://nbn-resolving.org/urn:nbn:de:hbz:466:1-66293)

Sæcul. XIV.

A. C. 1385.

Itaque cum inemendabilem ferre diutius salvo officio haud possemus, excusso jugo multos Præsules, Theologiæ Doctores, & alios Romanæ Curiae Viros præstantes Clericos, laicosque congregavimus, & inter omnes convenit, dicto Urbano minime præstandam a Christianis amplius obedientiam, sed opponendas vires nostras omnes, concordiamque, & correctionem Ecclesiæ sedulo curandam esse. Hoc fine cum quibusdam nostrorum Collegarum Cardinalium modo absentium brevi petere Romam, & ibi vobiscum, atque Romano cum populo supra memorata omnia modis idoneis perficere volumus. Adhæc statuimus Præsules, Reges, Principes, ac populos per litteras efflictim orare, ut Legatos Romam quamprimum mittant: ubi tunc adesse, ac residere assidue cogitamus, ut de Legatorum, vestroque consilio Ecclesiam a periculis, quibus exposita est, tutari seu per generale concilium, seu aliter queamus. Conclusionem hujus epistolæ non habemus.

§. XXIV.

Novi Cardinales Clementini.

Demortuis nuper admodum quibusdam Cardinalibus suis Clemens 12 Julii an. 1385 novos creavit octo. Primus erat
Joan-

Joannes Rolandus Arvernus celeberrimus Juris Doctor, anno 1379 impositus sedi Ambianensi, quam Cardinalis Joannes Gran-
gius abdicaverat. Cum Rolandus appellaretur Cardinalis, non erat Avenione: quia 17 ejusdem mensis in cathedrali templo suo Regem Carolum VI, ac Reginam Isabellam Bavaram matrimonio conjunxit. Secundus, Bertrandus Charnacius nobilis Lemovix ex Agathensi Archidiacono Bituricensis ab anno 1374 Archiepiscopus, & ab anno 1382 simul Hierosolymæ Patriarcha honorarius beneficio Clementis, modo Cardinalis Presbyter de S. Pudentiana, sed vocatus Cardinalis Hierosolymitanus.

Tertius, Thomas Amanatus Pistoriensis, ab anno 1380 per Clementem Neapolitanum Archiepiscopus; sed eo nunquam profectus, & Avenione permanens, Cardinalis Presbyter de S. Praxede, nuncupatus vero Cardinalis Neapolitanus. Quartus, Joannes Placentinus, declaratus anno 1364 Cervianus, anno 1370 Patavianus, post menses octo Urbevitanus, & anno 1376 Castellus, seu Venetiarum Episcopus (tam facile tunc fiebant translationes) cum purpura obtinuit templum S. Cyriaci, sed dicebatur Cardinalis Venetus. Quintus, Amelinus Lautricensis ex antiqua & nobili Occitanie familia, Canonicus Regularis, Juris Pontificii Doctor, ex Canonicus

Sæcul. XIV
A. C. 1385.

Vita PP.
to. 1. p. 512.

1333.
Gall. Chris.
to. 2.

Gal. p. 1337.

Ughel. to. 6.
p. 202.

Sæcul. XIV. nico, & Cancellario Ecclesiæ Tolosanæ,
A. C. 1385. (ut nobis indicat concilium Vaurense an.
 1368 habitum) factus anno 1375 Confe-
 ranus Episcopus, dein Lugdunum Conve-
 narum translatus, & a Clemente præfe-
 ctus libellis supplicibus.

Sup. lib. 90.
 §. 7.

Sextus, Joannes Murolius nobilis Ar-
 vernus, post studia litterarum anno 1350
 addictus ministerio Cardinalis Guidonis
 de Bononia, & ibi educatus una cum Ro-
 berto Genevate nepote Cardinalis tunc
 ætate florentis admodum, postea in Pa-
 pam electi, seque dicentis Clementem VII:
 quem an. 1376 ut Legatum in Italiam se-
 cutus Murolius anno proximo evasit Epi-
 scopus Genevensis; modo Cardinalis de
 S. Vitale, sed nominatus Cardinalis Mu-

Bal. p. 1349. rolius. Septimus Petrus Turius patria
 Lugdunensis, primum Custos illius Eccle-
 siæ, & an. 1382 Magister libellorum sup-
 plicum palatii regii, dein Episcopus Mal-
 leaci, unde nomen habuit etiam ut Car-
 dinalis, etsi nactus titulum de S. Susan-
 na. Octavus, & ultimus Joannes Brog-

Bal. p. 1353. nerius sic dictus ex natali loco in Gene-
 venfi dioecesi, Vivariensis Episcopus, &
 Clementis Cubicularius, modo Cardinalis
 Presbyter de S. Anastasia. En octo Car-
 dinales promotos 12 Julii anno 1385.

§. XXV.